



UNIVERSITÄTS-
BIBLIOTHEK
PADERBORN

**ECCLESIASTICAE || DISCIPLINÆ || LIBRI SEX:|| DE
CANONICA ET MO-||nastica Disciplina collapsa
restau-||randa, pristinoqué nitori || restituenda.||**

Schulting, Cornelius

Coloniae Agrippinae, 1599

VD16 ZV 14233

6. De exercitio Disciplina per annuas circuitiones Præmonstratensium.

[urn:nbn:de:hbz:466:1-63372](#)

CAPVT XI.

De exercitio Discipline per annuas circuitiones ex
veteri more & consuetudine nobilium Canoni-
corum Præmonstrensum ex eorun-
dem Statutis.

Volibet anno in generali Capitulo Visitato-
res & antiqui Circuitores, vel alij novi ad
visitandum prout Abbatii Præmonstratensi vel Ca-
Capitulo generali expedire videbitur, assumantur.
Præfati autem Visitatores, cum ad Ecclesiam
visitandam accesserint, diligenter inquirant; quæ
correctione nouerint indigere; corrigendo, quæ
per eos fuerint corrigenda, & referendo fideliter,
quæ ad generale Capitulum fuerint referenda, præmissis prius literis, per quas Abbas & Con-
uentus certi sint de eorum aduentu, ut vocare
possint fratres extra Abbatiam manentes, si ex
certa causa fuerint vocandi Prouiso, quod si quis
Canonicorum vel Conuersorum, eo anno pro-
pter causam minus rationabilem ad aliquam Ec-
clesiam sit emissus, ipsum faciant ad domum, à
qua emissus fuerat reuocari, illi, qui eum emis-
serit, poena imposta competenti. Die autem In-
troitus huiusmodi Visitatorum, mox cum Præ-
latus Monasterij Visitandi eosdem in portam in-
troijsse cognouerat, ad claustrum seu ostium
Ecclesie, ubi conuentus propterea erit congrega-
tus, venire festinabit, ut ipsis Visitatoribus isthic
aduentientibus ipsam Ecclesiam, legentes psal-
mum,

mum, Lætatus sum, simul intuent; & cum in Chorūm peruerent finito psalmo subiungatur Gloria Patri, Kyrieleison, Pater noster, & ne nos inducas. Versic. Saluos fac seruos tuos. Dominus vobiscū. Oremus. Prætende domine familiæ tua, &c. ab hebdomodario dicenda. Ipsiſ Visitatori bus super gradum presbyterij genus sexis, Abbatē verò & conuentu in suis locis prostratis interim manentibus, quo factō diuertant se ad loca designata. Altera autem die sint ad Primam in Choro primum ibidem stallum & vbique locorum tenentes, & cum ad preces deuentum fuerit dicat senior eorum Confiteor, Misereatur, Indulgentiam; Similiter & in Completorio, quotiens eos ei interesse contigerit. Congregatis igitur fratribus Ecclesiæ, quæ visitatur in Capitulo & eiusdem Prælato præsente præmisso à Seniore Visitatorum Benedicte, & responso Dominus, fiat aliqua de obſeruatione propositi nostri obedientia, de proprij Pastoris reuerentia exhortatio. & lectis deinde literis Capituli generalis præcipiant, vt de Prælato, de ſeipſis adiuicem, de conuerſis, de totius Ecclesiæ statu, quicquid super his; de quibus fuerint interrogati, accusatiōne vel emendatione dignum cognouerint, ſinguli ſincere, nullatenus amore, vel odio seu timore cuiusquam, aliave quacunque occaſione ve ritate suppressa exprimant, ne cum graui etiam periculo animarum grauem incurrant, ordinis Disciplinam edoceant euidenter, limitationetamen Capituli ſequenti ſemper ſalua, facto aut præcepto & allata præcedentium Visitatorum char-



charta, & in conspectu omnium lecta, finitoque
Capitulo Visitatores ipsi à singulis seorsim ibidē,
aut alias in loco ad hoc eis deputato, quæ fuerint
inquirenda, diligenter inquirant. Primò si præce-
dens Visitatio bene fuerit obseruata, & quem in
non seruando inueniat culpabilem, siue prælatus
sit siue subditus, tanquam Deo & prælato & ge-
nerali Capitulo inobedientem grauiter puniant.
attentè etiam & sollicitè, non obstante aliqua be-
nevolentia, quæ aliquando in subversionem re-
ligionis exhibetur, inquirent de prælati negligen-
tia, si corrigat excessus, si sit carnalis vel sœcula-
ris, si dei bonum exemplum subiectis & subditis
in frequentanda Ecclesia quando potest, in absti-
nentia & alijs obseruantijs ordinis, si Statuta Or-
dinis & Capituli faciat obseruari, si per ipsum
vigeat aut deficiat Disciplina in Monasterio, si
feruenter reprehendat ea, quæ sunt inordinate,
vel sinimis euagetur, & sine acceptione persona-
rum negligentias & excessus, quos inuenierit, pu-
niat. Postmodum interrogetur de pace prælati &
subditorum, quod si dixerint nō esse pacem, cau-
la cum omni studio inquiratur, eaqué cognita,
qui puniendi fuerint, legitimè puniantur. Dein-
de interrogetur quomodo & qualiter tam fra-
tres, quam conuersi se habeant in ordinis obser-
uantijs, tūc illicet in non habendo propria, in tenen-
do silentium, in continentia, in proprij Pastoris
obedientia, in eiusdem suaquæ adiuvicem reue-
tentia, in veniendo ad Ecclesiam in celebrando di-
vinum officium, in abstinentijs, si in colloquio
adiuvicem & cum hospitibus, si in non petenda
licen-

Hh

licen-

434 DE DISCIP. ECCLES.
licentia, si cum secularibus, cū familiaribus con-
uersis, seu alijs quibuscumque religioni debitam
seruent honestatem, si detractiones & murmu-
ra fūgiant, si laudabiliter in Capitulo culpas cō-
fiteantur, si in reprehēsione sint humiles & in
emendatione tractabiles, est sollicitē perquiren-
dum. Pro temporalium quoque statu cognocien-
do diligenter inquiratur, an domus sit grauata
debitis & quantis non tamen cui vel quibus pecu-
liariter debet. Si igitur Domus inveniatur debi-
tes grauata, nulla rationabili causa apparente,
quæ Prælatum excusat, in ipsum culpa redundet.
Super præmissis omnib. sigillatim à singulis fra-
tribus & conuersis inquisitio tam de Abbe quā
de seipsis adiuicem cum omni studio facienda.
Omnibus igitur, quæ præmissa sunt, expediis.
Visitatores debita seorsim deliberatione præ-
bita modum legitimū sua sententia imponen-
tis quæ de manifestis & publicis excessibus scri-
benda, vel etiam reformatione domus & hone-
state ordinis ordināda decreuerint, in charta sui
scribant, considerataque diligenter Charta præ-
cedentium Visitatorum quicquid inuenient in
ea obseruandum, in sua apponant, & præcedens
deleatur, ipsamque chartam sub sigillis suis e-
liaquant penes Piores in domibus visitatis, n
o: dinatio prædicta, anno sequenti visitatoribus,
qui tunc fuerint, ostendatur, quas ipsi Visitatores
faciant cum omni diligentia obseruari, & puni-
tur, transgressores statutorum Ecclesiarum, quas
Visitauerint, & ordinationes, quas fecerunt in
eisdem ad generale Capitulum referentes, hoc
adie-

adiesto quod fratres illos, qui voce sua culpis
exigentibus suis sunt priuati non recipiantur ad
testimonium seu accusationem contra aliquem,
donec super hoc cum ipsis misericorditer fue-
rit dispensatum secundum ordinis instituta. In-
hibetur expressè Visitatoribus Ordinis vniuer-
sis, ne ipsis emissos auctoritate Domini Præmon-
stratensis aut Capituli generalis remittere, au-
deant aut præsumant, cum eorum reuocatio spe-
cialiter pertineat ad mittentem. Neque attenta-
re aliquid audeant, aut præsumant, quod eis
per patentes Domini Præmonstratensis aut Ca-
pituli literas non fuerit expressè commissum
& inunctum, cum alias per indilcretas quo-
rundam Visitatorum remissiones dispensatio-
nes, concessiones, & indulta non parum ordinis
nostrri confunditur Disciplina. Ipsi etiam Visi-
tatoribus districtius inhibetur, ne ipsis seu assesso-
res eorum, aut etiam Capellani, Abbatibus Ec-
clesiarum quas visitant, vel alijs quibuscunque
scedula Inquisitionum ostendant, seu nomina
deponentium quoquomodo reuelent, transgres-
sores huiusmodi tanquam reuelatores secreto-
rum ordinis esse puniendos decernimus, saluis
his quæ per defensionem Abbatum per statuta or-
dinis sunt specialiter reseruata. Statutum est et-
iam quando Abbas Præmonstratensis Patres Ab-
bates seu Visitatores Ordinis descendunt ad a-
liquam Ecclesiam, seu Vircariam Visitandam,
nullus Abbatum seu subditorum eis occur-
rat, nisi ad quos literæ mittentur Visitationis

H h 2

& ex-

486 DE DISCIP. ECCLES.
& exceptis etiam illis, quos specialiter duxerint,
aduocare. Ipsi autē Visitatores summoperē pro-
uideant, quantum in eis est, ut in domibus Visita-
tis pacē salua correctionis Disciplina relinquāt,
& ut quæstiones nullatenus Capitulo generali,
quas suo poterunt iudicio terminare, referentur.
Denique correctis & emendatis, quæ correctio-
ne & emendatione digna cognoverunt, fratribus
valedicturi ad Capitulum venientes, dicant. Con-
fiteor cum toto conuentu, & postea subiungant:
Misereatur & Indulgentiam, prout in fine Capi-
tuli generalis fieri solet. Porrò Visitatores in do-
mibus quas visitant, sine iusta causa moram ni-
miam non faciant, quod si per 4. dies ad breuius,
vel per octo ad longius in Visitando durauerint,
nisi eidens necessitas aliud requirat non sunt de-
mora nimia vel festinatione redarguendi. Statu-
tum est etiam & præceptum, ut Visitatores ordi-
nis cum ad Ecclesias Visitandas accesserint, de
quantitate prouentuum Ecclesiarum Parochia-
lium diligenter inquirant, & assignata dictis Pa-
rochialibus præsbyteris congrua portione secun-
dum loci & patriæ exigentiam residuum præla-
tis suis assignent in Ecclesiarum suarum commo-
dum conuertendam. Quod si aliqui eorum corā
aliquo iudice, qui non sit de Ordine, super hoc
querimoniam deposuerint, aut quæstionem mo-
uerint, sententiā excommunicationis incurvant.
Statuitur etiam & similiter ordinatur, ne aliquis
nostrī ordinis prælatus, de cætero auctoritate pa-
terna aliquas Ecclesias nostri ordinis Visitare
præsumat, nisi illas, quæ auctoritati paternæ sibi

imme-

immediatè sint subiectæ. Qnod si quis secus face-
re præsumperit, sententiam excommunicatio-
nis incurrat auctoritate generalis Capituli.

CAPVT VII.

*De Visitationibus & inquisitionibus faciendis &
qualiter debet monere Prælatus
Capitulum.*

Ecclæsia Præmonstratensis per tres primos Ab-
bates Landanensem, Floreffensem, & Luif-
siacensem annuatim visitetur secundum formam
privilegiorum sedis Apostolicæ sibi & eidem Ec-
clesiæ indultorum. In alijs autem Ecclesijs cum
Patres Abbates vel anni Circatores ad ipsas Vi-
sitandas accesserint, & in Capitulum venerint,
proponant tria fratribus obseruanda, ne scili-
cet ea, quæ digne correcta fuerint, iterum coram
ipsis proponant, aut aliquid graue de Prælato nō
dicant, de quo non fuerit præmonitus vel ante
præmonitus: est etiam nihilominus inhibendum
ne ipsum prælatum vel aliquem fratrem suum
accusat, præterquam de his, quæ post ultimam
Visitationem fuerint perpetrata, nisi proprio Iu-
ramento firmauerint, post ultimam visitationē fol. 376. a.e.
ad notitiam peruenisse. Caveat autem quilibet, pud Baro-
ne illa quæ cognouerit emendanda quasi ad ma-
nus scandalum, quod nequissimum est usque ad
visitatoris aduentum differat & referuet. Sed o-
portuni temporibus, quæ contingunt, procla-
mentur & emendentur. Qui verò contra fece-
tit, per ipsos Visitatores, grauiter puniatur. Por-

*In Discipli-
na adhiben-
da moderat-
io & huma-
nitatis to. 6.
Annalium.*